

UNIVERZITET U TUZLI

**PRAVILNIK
O IZMJENAMA I DOPUNAMA PRAVILNIKA O TREĆEM CIKLUSU - DOKTORSKOM
STUDIJU NA UNIVERZITETU U TUZLI**

Tuzla, maj 2015. godine

Na osnovu člana 59. stav (1) tačka d) Zakona o visokom obrazovanju („Sl. novine TK“, broj: 8/08, 11/09, 12/09, 13/12, 16/13 i 7/14), i člana 75. stav (1) tačka 2) Statuta Univerziteta u Tuzli, Senat Univerziteta u Tuzli na sjednici održanoj 27.05.2015.godine, donio je

**PRAVILNIK
O IZMJENAMA I DOPUNAMA PRAVILNIKA O TREĆEM CIKLUSU - DOKTORSKOM STUDIJU NA
UNIVERZITETU U TUZLI**

Član 1.

U Pravilniku o trećem ciklusu - doktorskom studiju na Univerzitetu u Tuzli, (Prečišćeni tekst) broj: 03-8435-3.2/13 od 06.11.2013. godine (u daljem tekstu: Pravilnik) u članu 8. alineja 5. mijenja se i glasi:

„ - uslovi za upis na studijski program”.

U istom članu iza alineje 5. dodaje se nova alineja 6. koja glasi:

„ - preduslovi za slušanje i polaganje pojedinih nastavnih predmeta/ upis u narednu godinu studija”.

Dosadašnje alineje 6. do 10. postaju alineje 7. do 11.

Član 2.

U članu 10. dodaju se novi stavovi (3), (4) i (5) koji glase:

“ Svi oblici nastavnog procesa, u skladu sa studijskim programom i nastavnim planom i programom vrjednuju se sa određenim brojem ECTS bodova.

Studijskim programom mogu se utvrditi preduslovi za slušanje i polaganje pojedinih predmeta ili drugih oblika nastavnog procesa.

Ocjenjivanje studenata vrši se neprekidnim praćenjem rada studenta i na osnovu ECTS bodova stečenih izvršavanjem predispitnih obaveza, te polaganjem ispita, odnosno izvršavanjem i drugih obaveza utvrđenih studijskim programom.”

Član 3.

Iza člana 10. dodaje se novi član 10-a koji glasi:

Član 10-a)

Student koji u toku studijske godine ne ostvari 60 ECTS bodova, može prenijeti u narednu godinu studija 10 ECTS bodova ili najviše dva nastavna predmeta/ ekvivalent drugih obaveznih oblika nastavnog procesa, ukoliko su vrjednovani i sa više od 10 ECTS bodova,

Student koji ne ispuni uslov iz prethodnog stava, u obnovljenoj godini studija izvršava preostale obaveze, bez obaveze ponovnog pohađanja nastave.

Član 4.

U članu 11. iza stava (1) dodaje se novi stav (2) koji glasi:

“Naučno-nastavno/Umjetničko-nastavno vijeće fakulteta/Akademije na početku akademske godine određuje datum početka nastave, vremenski plan realizacije nastave i ispita te period upisa i ovjere semestra.”

Član 5.

Ovaj Pravilnik stupa na snagu danom donošenja, a primjenjivati će se od generacije studenata upisane na treći ciklus studija akademske 2015/2016. godine.

UNIVERZITET U TUZLI

Broj: 03-2926-9/15

Tuzla, 27.05.2015. godine

PREDSJEDNIK SENATA

Dr.sc. Enver Halilović, redovni profesor